

莫不服其精致逮宋氏之季有僧柔
法師周遊東夏講宣經論自崢嶸而
之禹穴或登靈隱或往姑蘇僧柔數
論之趣惠其經書之要咸暢其精微
究其淵奧及齊永明中又從惠照法
師諮受十誦所食日優所見月蹟於
是移住山陰招明寺經律通講聲高
于越不立私財以觀施之物修鎔寺
宇造構精華狀若神工寫經鑄像靡
不必備吳郡張援穎川庾詠汝南周
顥皆時之名秀莫不躬往禮敬齊巴陵
王蕭照曾出守會稽厚加供待梁衡
陽王元簡到郡請為母師春秋八十
有三梁天監十五年而卒

比丘尼傳卷第四 梁

丙午歲高麗國大藏都監奉
勅雕造

比丘尼傳卷第四 第五張 英

K. no. 1087
集諸經禮懺儀卷上

英

一切恭敬

大唐西崇福寺沙門智昇撰
敬禮常住三寶

是諸眾等人各踴躍嚴持香花如法
供養願此香花雲遍滿十方界供養
一切佛化佛并菩薩無數聲聞眾受
此香花雲以為光明臺廣於無邊界
無邊無量佛土中受用作佛事供養
一切恭敬嚴持香花如法行道一切
普誦
如來妙色身 世間無與等 無比不思議
是故今敬禮 如來色無盡 智慧亦復然
一切法常住 是我歸依
敬禮常住三寶

歎佛呪願

如來應供正遍知明行足善逝世間
解無上士調御丈夫天人師佛世尊
佛有如是無量功德歎不能盡以此
善根已集當集現集一切善根以此
善根滋益法界眾生悉得離苦解脫
捨邪歸正發菩提心永除三障常見
一切諸佛菩薩及善知識恒聞正法

福智具足一時作佛

南無東方須彌燈光明如來十方佛
等一切諸佛

南無毗婆尸如來過去七佛等一切
諸佛

南無普光如來五十三佛等一切諸佛
南無東方善德如來十方佛等一切
諸佛

南無拘那提如來賢劫千佛等一切
諸佛

南無釋迦牟尼如來三十五佛等一
切諸佛

南無東方阿閼如來十方無量佛等
一切諸佛

南無寶集佛 南無寶勝佛

南無成就盧舍那佛

南無盧舍那鏡像佛

南無不動佛 南無大光明佛

南無無量聲如來 三稱
南無無量聲如來
南無阿彌陀佛

南无大稱佛 南无寶光明佛

南无得大无畏佛

南无燃燈大佛 南无寶聲佛

南无無邊無垢佛

南无月聲佛 南无無邊稱佛

南无日月光明世尊 三稱

南无日月光明世尊

南无无垢光明佛

南无清淨光明佛

南无日光明佛

南无華勝佛 南无無邊寶佛

南无法光明清淨開敷蓮華佛

南无虛空功德清淨微塵等目端正

功德相光明華波頭摩琉璃光寶體

香嚴上香供養說種種莊嚴頂髻无

量無邊日月光明願力莊嚴變化莊嚴

法界出生无障昇王如來

南无毫相日月光明華寶蓮華堅如

金剛身毗盧遮那无障昇眼圓滿十

方放光照一切佛刹相王如來

普為四恩三有法界衆生斷除三障

歸命懺悔如是等一切世界諸佛世

集諸經禮懺儀卷上第三張 英

集諸經禮懺儀卷上

尊常住在世是諸世尊當慈念我憶
念我證知我若我此生若我前生從
无始生死已來所作衆罪若自作若
教他作見作隨喜若塔若僧若取四
方僧物若自取若教人取見取隨喜
或作五逆無間重罪若自作若教他
作見作隨喜十不善道自作教他見
作隨喜所作衆罪或有覆藏或不覆
藏應墮地獄餓鬼畜生諸餘惡趣邊
地下賤及弥戾車於如是等處所作
罪障今皆懺悔

今諸佛世尊當證知我當憶念我我
復於諸佛世尊前作如是言若我此
生若於餘生曾行布施或守淨戒乃
至施與畜生一揣之食或修淨行所
有善根成就衆生所有善根修行苦
提所有善根求无上智所有善根一
切合集計校籌量悉皆迴向阿耨多
羅三藐三菩提如過去未來現在諸
佛所作迴向我亦如是迴向
衆罪皆懺悔諸福盡隨喜及請佛功德
願成无上智去來現在佛於衆生衆勝
无量功德海歸依合掌礼 一切普誦

集諸經禮懺儀卷上第四張 英

南无摩訶般若波羅蜜是大神呪是
大明呪是无上呪是無等等呪
慶世界 如虛空如蓮華 不着水
心清淨 超於彼 稽首礼 无上尊
願以此功德普及於一切我等與衆生
皆共成佛道
礼佛已恭敬

自歸依佛 當願衆生 體解大道

發无上意

自歸依法 當願衆生 深入經藏

智慧如海

自歸依僧 當願衆生 統理大衆

一切无碍

願衆等聽說日暮无常偈今日已過

暮夜難保但觀此身念念衰老百年

常期如何可保是故衆等勤心行道

諸行無常是生滅法生滅滅已寂滅

為樂如來證涅槃永斷於生死若能

至心聽常得无量樂

十方佛名經一卷

一切恭敬

敬礼常住三寶
一切普誦
如來妙色身 世間无與等 無比不思議

集諸經禮懺儀卷上 第五張 英

是故今敬礼 如來色無盡 智慧亦復然
一切法常住 是故我歸依

敬礼常住三寶

歎佛咒願

天上天下無如佛 十方世界亦無比

世界所有我盡見 一切无有如佛者

敬礼釋迦牟尼佛

敬礼當來弥勒尊佛

敬礼東方善德如來一切諸佛

敬礼東南方無憂德如來一切諸佛

敬礼南方栴檀切德如來一切諸佛

敬礼西南方寶施如來一切諸佛

敬礼西方無量明如來一切諸佛

敬礼西北方花德如來一切諸佛

敬礼北方相德如來一切諸佛

敬礼東北方三乘行如來一切諸佛

敬礼上方廣眾德如來一切諸佛

敬礼下方明德如來一切諸佛

敬礼賢劫千佛千五百佛

敬礼五百花首百億金剛藏佛

敬礼三十五佛五十三佛

敬礼過現未來三世諸佛

敬礼舍利形像浮圖廟塔

集諸經札識儀卷上 第六張 英

敬礼十二部尊經甚深法藏

敬礼諸大菩薩一切賢聖

為二十八天釋梵王等敬礼常住三寶

為諸龍神等風雨順時敬礼常住三寶

為過現諸師恒為導首敬礼常住三寶

為天皇后聖化無窮敬礼常住三寶

為諸王公主文武百官敬礼常住三寶

為現存父母諸善知識敬礼常住三寶

為十方施主六度圓滿敬礼常住三寶

為此國過往諸人神生淨土敬礼常

住三寶

為僧伽藍神并諸眷屬敬礼常住三寶

為四方寧靜兵甲休息敬礼常住三寶

為三塗八難受苦眾生敬礼常住三寶

為法界眾生永除三障歸命懺悔

至心懺悔

十方無量佛所知無不盡我今悉於

前發露諸黑惡三三合九種從三煩

惱起今身若前身有罪盡懺悔於三

惡道中若應受業報願得今身償不

入惡道受懺悔已歸命礼三寶

至心勸請

十方一切佛現在成道者我請轉法

集諸經札識儀卷上 第七張 英

輪安樂諸眾生十方一切佛若欲捨
壽命我今頭面礼勸請令久住勸請

已歸命礼三寶

至心隨喜

所有布施福持戒修禪行從身口意

生去來今所有習行三乘人具足三

乘者一切凡夫福眾等皆隨喜隨喜

已歸命礼三寶

至心迴向

我所有福德一切皆和合為諸眾生

故正迴向佛道迴向已歸命礼三寶

至心發願

願諸眾生等悉發菩提心繫心常思

念十方一切佛復願諸眾生永破諸煩

惱了了見佛性猶如妙德等發願已

歸命礼三寶

諸大德欲求寂滅樂當學沙門法衣

食計身命精麤隨眾等今朝某日僧

各六念六念已礼佛恭敬

自歸依佛 當願眾生 體解大道

發无上意

自歸依法

當願眾生 深入經藏

智慧如海

集諸經札識儀卷上 第八張 英

自歸依僧 當領衆生 統理大衆
一切无碍

願諸衆生 三業清淨 奉持尊教
和南聖衆

大集經呪

南無佛陀耶

胡嚧嚧

悉度嚧

遮賦婆

訖利波

悉檀且

步嚧且

娑婆訶

此呪出大集經誦一遍當誦十二部

經一遍又當札万五千佛名四十万八

千五百遍又持呪人身上如大地微

塵如是等罪普皆消滅

南無救苦觀世音菩薩摩訶薩

南无救苦觀世音菩薩摩訶薩

南无救苦觀世音菩薩摩訶薩

向來稱揚十念功德廣大善根資益

亡者花臺花閣空裏相迎實坐實未

乘虛接引摩尼殿上聽說普空般若

池中蕩除心垢觀音化佛為作證明

彌勒坐前分明受記六親眷屬七族

因緣百福莊嚴天龍衛護三塗息苦

地獄停酸大及亡靈俱時離苦和南

聖衆檀為万行首捨著離慳貪是故

集諸經札儀卷上 第九次

集諸經札儀卷上

今施主持財奉布施以此勝善根果
報无窮盡逮及苦衆生當來成佛道
施粥得天帝釋說

持戒清淨如所奉 恭敬隨時以粥施

十利饒益於行者 色力壽樂辭清辯

宿食風除飢渴消 是名良藥佛所說

欲得生天長受樂 應當以粥施衆僧

南無十方無邊際去來現在一切佛

等空不動真如智清淨故識蒼摩羅

清淨法身毗嚧遮圓滿報應嚧舍那

應化色身千百億釋迦牟尼現娑婆

三佛體同一切今故我頂礼諸佛陀

南无十方無邊際去來現在一切佛

諸佛身如新明鏡我心淨若摩尼珠

諸佛悲來入我身我還遍入諸佛軀

彼此相入如鏡像无來無去體空虛

無障无碍無生滅故我頂礼心真如

南無十方無邊際去來現在一切佛

諸佛真身並如鏡善現聖凡真身相

一一身現一切身一切身中身无量

法性清淨體空融身相涉入而无障

法身圓滿遍法界故我頂礼如來藏

南无十方无邊際去來現在一切佛

集諸經札儀卷上 第九次

聖凡心性真如來具足一切功德財

智慧光明恒普照自性清淨心本開

常樂我淨真識智清淨不變始終明

久乘如道成正覺故我頂礼心如來

南無十方无邊際去來現在一切佛

法身實相真如智湛然圓滿遍世界

一切諸法藏總持總持是心能善捨

不信見聞及覺知无知見覺覺真正

自覺覺他佛無二故我頂礼身佛性

南无十方无邊際去來現在一切佛

正真正道大悲心自性清淨極懸深

非修非作无見得離名絕想回思尋

非作有無微難見諸魔外道莫能侵

常住圓滿無增減故我頂礼菩提心

南无十方无邊際去來現在一切佛

佛與衆生性本淨始終自如久坦然

清淨寂軀極微密體无生滅性恒安

已无分別無增減万德圓滿寂无端

具八自在真常樂故我頂礼大涅槃

南无十方无邊際去來現在一切佛

聖凡心性久如如有是非一切離

三界六道體寂滅唯有性空第一義

朗然普照常寂靜欲顯真如與言寄

集諸經札儀卷上 第九次

集諸經札儀卷上

了達諸法无能所故我頂礼波若智
南無十方無邊際去來現在一切佛
聖凡心性空无因普照十方無邊際
真如寂體滿虛空實相湛然遍法界
一切諸佛諸法藏惣持是心能善捨
無有一法不淨心故我頂礼大明慧
南無十方無邊際去來現在一切佛
聖凡心性本來真自性清淨與言陳
非空非有无能所亦復能為諸法因
建立生長一切法無能无所無能人
寂而常用无增減故我頂礼法性身
南無十方無邊際去來現在一切佛
聖凡心性體空寂久離無明癡暗明
常然性戒定慧炸解脫知見知見燈
五衆和合無違諍寂光普照无愛憎
五分法身常清淨故我頂礼無為僧
南無十方無邊際去來現在一切佛
聖凡心性離名色而見名色相莊嚴
淨心法身是一等能見諸色等法性
智身法身報應同色身不二體空寂
隨感應化一切身故我頂礼衆賢聖
於此平等礼不礼無不礼一礼遍舍
識同會實相體

集諸經札藏儀卷上第十三張 英

一心敬礼常住三寶
普請歸依佛 諸魔種子除 真如平等顯
見性會元餘
普請歸依法 恒沙經藏開 惣持心境内
無去亦元來
普請歸依僧 啓道入如流 無諍神光顯
同歸波若舟
至心懺悔
惣懺六根諸見罪 昔日迷真誤執真
今知真妄元來一 生死寂靜涅槃因
通達法燈光内照 菩提妙相絕疎親
無礙慧王師子吼 碎諸煩惱作微塵
一一塵中无量佛 一一佛現無邊身
恒沙功德於中現 一切三寶惣持心
平等真如真淨土 金剛性海慧光深
悉願衆生同證此 普請開心見法身
文殊師利礼法身佛文
至心歸命礼 真如法身佛 願共諸衆生
同歸真如海 無色无形相 无根無住處
不生不滅故 敬礼無所觀 不去亦不住
不取亦不捨 遠離六入故 敬礼无所觀
出過於三界 等同於虚空 諸欲不染故
敬礼无所觀 於諸威儀中 去來及睡寤

集諸經札藏儀卷上第十三張 英

常在寂靜故 敬礼无所觀 去來悉平等
已住於平等 不壞平等故 敬礼无所觀
入諸元相定 見諸法寂靜 常入寂靜故
敬礼無所觀 諸佛虛空相 虚空亦无相
離諸因果故 敬礼无所觀 虚空无中邊
諸佛身亦然 心同虚空故 敬礼无所觀
佛常在世間 而不染世法 不分別世故
敬礼无所觀 諸法猶如幻 如幻不可得
離諸幻法故 敬礼无所觀 以此平等礼
無礼无不礼 一礼遍舍識 同會實相體
普為四恩三有及六趣衆生 斷除三
障發菩提心 歸命懺悔
至心懺悔弟子等 自從無始已來迷
本逐癡情妄謂身心 故自他分別生
由斯起惡業虛受六道形 觀察尋其
主了不見真源三毒貪瞋海 真實是
泥洹 今日自懺悔 不復縱情端 千万
劫衆罪消融 一念間懺悔 已至心歸
命礼三寶
至心勸請十方三世大慈尊 唯願常
住莫涅槃 三界衆生迷未悟 如何早
得見真源 將心逐心 不自覺妄執顛
倒永沉淪 唯願慈尊哀受請 種種方

集諸經札藏儀卷上第十四張 英

便引群生勸請已至心歸命礼三寶
至心隨喜過去已成佛其數如恒沙
未來修學者遠長菩提芽三界无根
本猶如虚空花唯願諦思入正受共
遊法界諸佛家隨喜已至心歸命礼三
寶至心迴向无始已來心流浪未曾一
念正迴向今日始悟心無生昔來迷
昏自生障唯願學人如諸佛離念分
別正迴向迴向已至心歸命礼三寶
至心發願願一切衆生見心源速離
煩惱越苦海早證身中大涅槃唯願
慈尊加護念莫滯有无諸見生發願
已至心歸命礼三寶

此即依華嚴經發十大願

第一願者願弟子等一切初中一切
生處常恭敬供養一切諸佛盡未來
際無有休息

第二願者願弟子等常受持一切諸
佛如來甚深法藏即自開解不由他
悟盡未來際无有休息

第三願者願弟子等一切諸佛坐道
場處常於是中攝法為首請轉法輪
盡未來際无有休息

集諸經礼懺儀卷上第十五張 其

集諸經礼懺儀卷上

第四願者願弟子等常行一切菩薩
大願大行盡未來際無有休息

第五願者願弟子等常能教化一切
衆生若卵生若胎生若濕生若化生
若有色若无色若有想若无想若非
有想若非無想我皆令入无餘涅槃
如是滅度无量無邊衆生實无衆生
得滅度者盡未來際无有休息

第六願者願弟子等常知一切諸佛
國土如對目前盡未來際無有休息

第七願者願弟子等常能嚴淨一切
諸佛國土盡未來際無有休息

第八願者願弟子等常不離一切諸
佛菩薩及善知識同心修行集諸善
根盡未來際无有休息

第九願者願弟子等所有三業若有
衆生見聞者無有空過如大藥王樹
如意珠身盡未來際无有休息

第十願者願弟子成等正覺轉大法
輪度脫一切衆生盡未來際無有休息
願以此礼佛行道懺悔發願燒香燃
燈所修一切善根悉以迴施一切衆
生願令一切衆生永離一切地獄餓

集諸經礼懺儀卷上第十五張 其

鬼畜生閻羅王受苦處常生人天中
見佛聞法發菩提心修菩薩行
又願以此善根迴向無上菩提不求
世間生死果報又願以此善根迴向
真如法界海

此即讚西方礼阿弥陀佛文

至心歸命礼西方阿弥陀佛
觀彼弥陀極樂界廣大寬平衆寶成
四十八願莊嚴超超諸佛刹最為精
本國他方大海衆窮劫竿數不知名
普勸歸西同彼會恒沙三昧自然成
願共諸衆生往生安樂國

至心歸命礼西方阿弥陀佛
地下莊嚴七寶幢无量無邊无億數
八方八面百寶成見彼元生自然悟
無生寶國永為常一一寶流无數光
行者傾心常對目騰神踊躍入西方
願共諸衆生往生安樂國

至心歸命礼西方阿弥陀佛
地上莊嚴轉無極金繩界道非工匠
弥陀願智巧莊嚴菩薩人天散花上
寶池寶色寶光飛一一光成无数臺
臺中寶樓千万億臺側百億寶幢圍

集諸經礼懺儀卷上第十五張 其

願共諸衆生往生安樂國

至心歸命禮西方阿彌陀佛

一一臺上虛空中莊嚴寶樂亦无窮
八種清風尋光出隨時鼓樂應機音
機音正受稍為難行住坐卧攝心觀
唯除食時常憶念三昧无為即涅槃
願共諸衆生往生安樂國

至心歸命禮西方阿彌陀佛

寶國寶林諸寶樹寶華寶葉寶根並
或以千寶分林異或有百寶共成行
行行相當葉相次色各不同光亦然
等量齊高三十萬枝條相觸說无因
願共諸衆生往生安樂國

至心歸命禮西方阿彌陀佛

七重羅網七重宮綺平坦光相映發
化天童子皆充遍瓔珞輝光超日月
行行寶葉色千般華敷猶若施金輪
廣慶光成衆寶蓋塵沙佛刹現无邊
願共諸衆生往生安樂國

至心歸命禮西方阿彌陀佛

寶池寶岸寶金沙寶渠寶華寶蓮華
十二由旬皆正等寶羅寶網寶欄遮
德水分流尋寶樹聞波觀樂證恬怕

寄語有緣同行者努力翻迷還本家

願共諸衆生往生安樂國

至心歸命禮西方阿彌陀佛

一金繩界道上寶樂寶樹千万億
諸天童子散華香他方菩薩如雲集
無量无边無能計稽首弥陀恭敬立
風鈴樹嚮遍虛空歎說三尊无有極
願共諸衆生往生安樂國

至心歸命禮西方阿彌陀佛

弥陀本願華王座一切衆寶以為成
臺上四重張寶幔弥陀獨坐顯真形
真形光明遍法界蒙光觸者心不退
晝夜六時專想念終時快樂如三昧
願共諸衆生往生安樂國

至心歸命禮西方阿彌陀佛

弥陀身心遍法界影現衆生心想中
是故勸汝常觀察依心起相觀真容
真容寶像臨華座心開見彼國莊嚴
寶樹三身華遍滿風鈴樂響與門同
願共諸衆生往生安樂國

至心歸命禮西方阿彌陀佛

弥陀身色如金山相好光明照十方
唯有念佛蒙光攝當知本願寂為强

十方如來舒舌證專稱名号至西方
到彼華開聞妙法十地願行自然彰
願共諸衆生往生安樂國

至心歸命禮西方阿彌陀佛

觀音菩薩大慈悲已滿菩提捨不證
一切五道内身中六時觀察三輪應
應現身光紫金色相好威儀轉无極
恒舒百億光王手普接有緣歸本國
願共諸衆生往生安樂國

至心歸命禮西方阿彌陀佛

勢至菩薩難思議威光普照无边際
有緣衆生蒙光觸增長智慧超三界
法界傾搖如轉蓬化佛菩薩滿虚空
普勸有緣常念佛永絕胞胎證六通
願共諸衆生往生安樂國

至心歸命禮西方阿彌陀佛

正坐結加入三昧想心衆念至西方
觀見弥陀極樂界地上虚空七寶莊
嚴弥陀身量極无边重勸衆生觀小身
丈六八尺隨機現圓光化侍等前真
願共諸衆生往生安樂國

至心歸命禮西方阿彌陀佛

上輩上行上根人求生淨土斷貪瞋

就行差別分三品五門相續助三因
一日七日專精進畢命乘臺出六塵
慶哉難逢今得遇永證無為法相身
願共諸衆生往生安樂國

至心歸命礼西方阿彌陀佛

中輩中行中根人一日齋戒處金蓮
孝養父母教迴向為說西方快樂因
佛與聲聞衆來取直到彌陀華座前
百寶花籠經七日三品蓮開證小真
願共諸衆生往生安樂國

至心歸命礼西方阿彌陀佛

下輩下行下根人十惡五逆等貪瞋
四重偷僧謗正法未曾慙愧悔前愆
終時苦相皆雲集地獄猛火罪人前
忽遇往生善知識急勸專稱彼佛名
化佛菩薩尋聲到一念傾心入寶蓮
三業障重開經劫于時始發菩提因
願共諸衆生往生安樂國

至心歸命礼西方阿彌陀佛

樂何樂事難思議元邊菩薩為同學
性海如來盡是師渴聞波若絕思議
念食无生即斷飢一切莊嚴皆說法
無心領納自然知七寶華池隨意入

集諸經礼懺儀卷上 第三十二

八輩凝神會一枝弥陀心水沐身頂
觀音大勢與衣披欬余騰空遊法界
須臾投記号無為如此逍遙極樂處
吾今不去待何時

願共諸衆生往生安樂國

至心歸命礼西方阿彌陀佛

哀愍覆護我今法種增長此世及後
生願佛常攝受願共諸衆生往生安
樂國

至心歸命礼西方極樂世界觀世音

菩薩願共諸衆生往生安樂國

至心歸命礼西方極樂世界大勢至

菩薩願共諸衆生往生安樂國

至心歸命礼西方極樂世界諸菩薩

清淨大海衆願共諸衆生往生安樂國

普為師僧父母及善知識法界衆生

斷除三障同得往生阿彌陀佛國歸

命懺悔

至心懺悔

南無歸懺十方佛願滅一切諸罪根

今將久近所修善迴作自他安樂因

唯願一切臨終時勝緣勝境悉現前

願觀弥陀大悲主觀音勢至十方尊

集諸經礼懺儀卷上 第三十三

仰惟神光蒙接手乘佛願力生彼國
懺悔迴向發願已至心歸命礼阿彌
陀佛

說偈言說此偈已更當心口發願願弟

子臨命終時心不顛倒心不錯乱心不

失念身心无諸苦痛身心快樂如入

禪定聖衆現前乘佛本願上品上生

阿彌陀佛國到彼國已得六神通迴

入十方界救攝苦衆生虛空法界盡

我願亦如是發願已至心歸命礼阿

彌陀佛

大衆欲作西方業初夜獨坐自思量

莫言久住閻浮地會有一日即无常

命如當風一條燭亦如石中一電光

聞身康強不苦行臨渴掘井水難望

願共諸衆生往生安樂國

今觀此身實可厭種種不淨假名身

三百碎骨相支柱遍體何曾有片真

香粉塗身元厭足畢竟地下成灰塵

煩惱熾盛何曾歇終是流浪三塗因

普勸道場諸衆等真心念佛入真門

願共諸衆生往生安樂國

夢裏種種縱橫去忽覺寂滅並虛然
四大元常歸糞土塊魄零落并一邊
生時財物他人用自身唯得紙泥錢
為此佛在西方國努力相勸用心鑄
願共諸衆生往生安樂國
至心歸命禮西方阿彌陀佛
發願生佛國聖衆普應知今生蒙佛
教不敢更生疑一日七日專精進定
得西方花上期

願共諸衆生往生安樂國

淨土快樂無人去地獄苦報竟攢頭
聞惡一聲不惜死善法未肯至心求
死墮阿鼻十八獄輪迴受苦何時休
願共諸衆生往生安樂國

歸去來魔鄉不可停曠劫來流轉六
道盡皆經到處無餘事唯聞生死聲
為此生平後入彼涅槃城

願共諸衆生往生安樂國

觀彼弥陀極樂界廣大寬平衆寶城
雲化作行元有數擬待此地善衆生
五濁欲修十善業第一專誦弥陀經
心口稱佛無厭足命終菩薩自來迎
願共諸衆生往生安樂國

集諸經札藏儀卷上第二十四張

至心歸命禮西方阿彌陀佛
諦觀西方有一國其國有佛號弥陀
一坐說法恒沙劫普為世界斷諸魔
極樂城中登聖座諸天圍遶悉來過
八万四千菩薩衆奉持花果散娑婆
願共諸衆生往生安樂國

普為梵釋四王天龍八部帝主人王
師僧父母及善知識法界衆生斷除
三障同得往生阿彌陀佛國歸命懺悔
諸行無常是生滅法生滅滅已
寂滅為樂

如來證涅槃永斷於生死若能至心聽
常得无量樂

南無本師釋迦牟尼佛等一切三寶
我今稽首禮迴願往生无量壽國

南无十方三世盡虛空遍法界微塵
刹土中一切三寶我今稽首禮迴願
往生无量壽國

南無西方極樂世界阿彌陀佛願共
衆生咸歸命故我頂礼生彼國

南无西方極樂世界無量光佛願共
衆生咸歸命故我頂礼生彼國

南无西方極樂世界無量光佛願共
衆生咸歸命故我頂礼生彼國

南无西方極樂世界無量光佛願共
衆生咸歸命故我頂礼生彼國

集諸經札藏儀卷上第五張

衆生咸歸命故我頂礼生彼國

南無西方極樂世界无導光佛願共

衆生咸歸命故我頂礼生彼國

南无西方極樂世界無對光佛願共

衆生咸歸命故我頂礼生彼國

南无西方極樂世界光焰王佛願共

衆生咸歸命故我頂礼生彼國

南無西方極樂世界清淨光佛願共

衆生咸歸命故我頂礼生彼國

南无西方極樂世界歡喜光佛願共

衆生咸歸命故我頂礼生彼國

南無西方極樂世界智慧光佛願共

衆生咸歸命故我頂礼生彼國

南无西方極樂世界不斷光佛願共

衆生咸歸命故我頂礼生彼國

南无西方極樂世界難思光佛願共

衆生咸歸命故我頂礼生彼國

南無西方極樂世界无稱光佛願共

衆生咸歸命故我頂礼生彼國

南无西方極樂世界超日月光佛願

共衆生咸歸命故我頂礼生彼國

南無西方極樂世界阿彌陀佛哀愍
覆護我今法種增長此世及後生願

集諸經札藏儀卷上第五張

佛常攝受願共衆生成歸命故我頂
礼生彼國

南无西方極樂世界觀世音菩薩摩
訶薩願共衆生成歸命故我頂礼生
彼國

南无西方極樂世界大勢至菩薩摩
訶薩願共衆生成歸命故我頂礼生
彼國

南无西方極樂世界諸尊菩薩摩訶
薩清淨大海衆願共衆生成歸命故
我頂礼生彼國

普為上界梵釋四王天龍八部帝王
人王師僧父母及善知識法界衆生
悉願斷除三障同得往生阿弥陀佛
國歸命懺悔

南无普光佛
南无普淨佛
南无普明佛

南无多摩羅跋拏檀香佛

南无栴檀光佛
南无摩尸幢佛

南无歡喜藏摩尸寶積佛

南无一切世間樂見上六精進佛

南无摩尸幢燈光佛

南无慧炬照佛
南无海德光明佛

集諸經礼懺儀卷上 第三十七張 英

南无金剛牢強普散金光佛
南无大強精進勇猛佛

南无大悲光佛
南无慈力王佛

南无慈藏佛
南无栴檀窟莊嚴勝佛

南无賢善首佛
南无善意佛

南无廣莊嚴王佛
南无金剛華佛

南无寶蓋照空自在王佛

南无虚空寶華光佛

南无琉璃莊嚴王佛

南无普現色身光佛

南无不動光佛
南无降伏諸魔王佛

南无才光明佛
南无智慧勝佛

南无弥勒仙光佛
南无世靜光佛

南无善寂月音妙尊智王佛

南无龍種上尊王佛

南无日月光佛
南无日月珠光佛

南无慧幢勝王佛

南无師子吼自在力王佛

南无妙音勝佛
南无常光幢佛

南无觀世燈佛
南无慧威燈王佛

南无法勝王佛
南无須弥光佛

南无須曼那華光佛

南无優鉢羅華殊勝王佛

集諸經礼懺儀卷上 第三十八張 英

南无大慧力王佛

南无阿閼鞞歡喜光佛

南无无量音聲王佛

南无才光佛

南无金海光佛

南无大通光佛

南无一切法常滿王佛

此五十三佛名者乃是過去久遠舊
住娑婆世界成熟衆生而般涅槃若
有善男子善女人及餘一切衆生得
聞是五十三佛名者是入於百千万
億阿僧祇劫不墮惡道若復有人能
誦是五十三佛名者除滅四重五逆
及謗方等經皆悉清淨以是諸佛本
誓願故於念念中即得除滅如上諸罪
此花嚴偈九句

一切衆生類皆悉三世攝三世諸衆生
皆為五陰攝五陰諸衆生皆悉從業起
諸業因心起心法猶如幻衆生亦如是
凡衆生皆不得漫瞋瞋時忍即誦此
四偈
瞋是忍辱花忍是瞋家果花生便摘却
果生何處坐

集諸經礼懺儀卷上 第三十九張 英

但人受苦薩戒八勝法偈

第一趣道勝 第二發心勝 第三功德勝

第四福田勝 第五受罪輕微勝

第六慶胎勝 第七神通勝 第八果報勝

此四偈亦是受苦薩戒法偈

金剛無等解脫道 十力雄猛震三千

破壞外道召乳衆 不與魔邪作因緣

此四偈亦是菩薩戒香湯法

西方溫池水雪山童子補香湯澡浴

凡夫表裏淨唯願速生弥勒家

此四偈亦是戒法

戒如明日月 亦如瓔珞珠 微塵菩薩衆

由戒成正覺

此四偈是破戒偈

破戒如弦斷 持戒若施弦 臨陣空牽挽

如何若向前

此八偈是大智度論偈

世間人心動 愛好福果報 而不好福田

求有不求滅 先聞邪見法 心著而深入

我是甚深法 無信云何解

此四偈亦須修善業

汝得人身不修道 如向寶山空手歸

汝今自造還自受 啼啼啼哭知向誰

集諸經札藏儀卷上 第三張 庚

阿弥陀佛呪

那謨菩薩夜

謨僧伽夜

多姪他

娑婆訶

阿彌唎哆鼻

伽那稽唎夜

焰迦嚩 沙婆呵

合香之法

沉香一兩

甘松香一兩

下丁香一兩

青木香一兩

檣羅取末以蜜和之

云何梵

云何得長壽

得大堅固力

戒香 定香 慧香 解脫香 解脫

知見香

光明雲臺遍法界供養十方元量佛

見聞普薰證寂滅

願佛開微密 廣為衆生說

南無東方善德如來十方佛等一切

集諸經札藏儀卷上 第三張 庚

諸佛

南无拘那提如來賢劫千佛等一切

諸佛

南无釋迦牟尼如來三十五佛等一

切諸佛

南无釋迦牟尼佛

南无寶光佛

南无精進軍佛

南无寶積佛

南无現无愚佛

南无無垢王佛

南无勇施佛

南无清淨施佛

南无水天佛

南无栴檀功德佛

南无光德佛

南无那羅延佛

南无蓮華光遊戲神通佛

南无財功德佛

南无善名稱功德佛

南无紅炎幢王佛

南无善遊步功德佛

南无閼戰勝佛

集諸經札藏儀卷上 第三張 庚

南無周匝莊嚴功德佛

南無寶蓮華遊步佛

南無寶蓮華善住娑羅樹王佛

藥王藥上經空有其目而无名号此

三十五佛名出決定毗尼經

南无東方阿閼如來十方元量佛等

一切諸佛已上七階依藥王藥上經

文次第已下別明依餘部經等疏出

南无寶集如來二十五佛等一切諸佛

南無寶集佛 南无寶勝佛

南无成就盧舍那佛

南無盧舍那鏡像佛

南无盧舍那光明佛

南無不動佛 南无大光明佛

南无無量聲如來

南无無量聲如來

南无阿弥陀刹沙佛

南无大稱佛 南無寶光明佛

南無得大無畏佛 南无燃燈火佛

南无寶聲佛

南無无边无垢佛 南无月聲佛

南无無邊稱佛 南無日月光明世尊

南無日月光明世尊

南无日月光明世尊

南無无边光明佛 南无清淨光明佛

南无日月光明佛 南無无边寶佛

南無華勝佛 南无妙身佛

南无法光明清淨開敷蓮華佛

此二十五佛出佛名經第八卷

南无虛空功德清淨微塵等目端正

功德相光明華波頭摩琉璃光寶體

香嚴上香供養訖種種莊嚴頂髻元

量无边日月光明願力莊嚴變化莊

嚴法界出生无障導王如來

礼佛功德若有善男子善女人犯四

重五逆誹謗三寶及犯四波羅夷是

人罪重假使如閻浮提履地變為微

塵一一微塵成於一劫是人若有若干

劫罪稱是一佛名号礼拜者如上等

罪皆悉消滅是人功德不可思議

南无毫相日月光明華寶蓮華堅如

金剛身毗盧遮那无障導眼圓滿十

方放光照一切佛刹相王如來此佛

名号出十二佛名神呪校量功德除障滅罪經

南無過現未來十方三世一切佛歸

命懺悔

至心懺悔

如是等一切世界諸佛世尊常住在

世是諸世尊當慈念我當憶念我當

證知我若我前生從无始生死已來所

作眾罪若自作若教他作見作隨喜

若塔若僧若取四方僧物若自取若教

人取見取隨喜或作五逆无間重罪

若自作若教他作見作隨喜十不善

道自作教他見作隨喜所作罪障或

有覆藏或无覆藏應墮地獄餓鬼畜

生及諸惡趣邊地下賤及野戾車如

是等處所有罪障今皆懺悔

今諸佛世尊當證知我當憶念我我

復於諸佛世尊前作如是言若我此生

若於餘生曾行布施或守淨戒乃至

施與畜生一搏之食或修淨行所有

善根成就眾生所有善根修行菩提

所有善根及无上智所有善根一切

合集計校等量皆悉迴向阿耨多羅

三藐三菩提如過去未來現在諸佛所作迴向我亦如是迴向迴向已歸

命禮三寶

衆罪皆懺悔 諸福盡隨喜 及請佛功德
願成無上智 去來現在佛 於衆生最勝
無量功德海 歸依合掌禮

一切普誦

如來妙色身 世間無與等 無比不思議
是故今敬禮 如來色無盡 智慧亦復然
一切法常住 是故我歸依

降伏心過惡 及以身四種已到難伏地

是故禮法王 知一切余矣 智慧身自

在攝持一切法 是故今敬禮 敬禮過

稱量敬禮 無辭類敬禮 無邊德敬禮

難思議哀愍覆護我 今法種增長此

世及後生願佛常攝受

摩訶盧訶 阿羅遮羅多羅莎訶

梵唄

慶世界如虛空 如蓮花不著水

心清淨超於彼 稽首禮 无上尊

說偈呪願

願以此功德 普及於一切 我等與衆生

皆共成佛道

自歸依佛 當願衆生 體解大道

發无上意

集諸經禮懺儀卷上 第三十六張 庚

自歸依法 當願衆生 深入經藏

智慧如海

自歸依僧 當願衆生 統理大衆

一切無礙

願諸衆生 諸惡莫作 諸善奉行 自淨

其意是 諸佛教和南聖衆 諸衆等各

說无常偈

諸行無常 是生滅法 生滅滅已

寂滅為樂 如來證涅槃 永斷於生死

若能至心聽 常得无量樂

晝夜六時發願文

十方三世諸佛 當證知弟子某甲等

為一切衆生 觀一切三寶 為一切衆

生 禮一切三寶 為一切衆生 供養一

切三寶 為一切衆生 於一切三寶前

行道 為一切衆生 於一切三寶懺悔

為一切作佛 像轉經 供養衆僧 供養

一切衆行 六波羅蜜 四攝四無量一

切行等 已集一切善根 以此善根 願

令一切三塗衆生 一切貧窮衆生 一

切生老病死衆生 一切獄囚繫閉衆

生 一切破亡流徙衆生 一切不自在

衆生 一切邪見顛倒衆生 等悉得離

集諸經禮懺儀卷上 第三十七張 庚

苦解脫 捨邪歸正 發菩提心 永除三

障 常見一切諸佛 菩薩及善知識 恒

聞正法 福智具足 一時作佛

又以此善根 願令一切衆生 皆悉上

品 往生一切淨土 先證无生法忍 然

後度一切衆生

又以此善根 願令一切三寶 一切國

土 常得安樂 恒不破壞 四方寧靜 兵

甲休息 龍王歡喜 風調雨順 五穀熟

成 萬人安樂 禮佛功德 廣大如法界

究竟如虛空 盡未來際 供養一切三

寶 終無有休息 隨意靜默 量時任唱

初夜半夜後夜 午時平明日沒 唱靜

六時 禮拜佛法 大綱晝三夜三 各嚴

持香華 入塔觀像 默供養行道 禮佛

平明及與午時 並別唱五十三佛餘

皆總唱日暮初夜 並別唱三十五佛

餘皆總唱半夜 並別唱二十五佛餘

皆總唱觀此七階佛 如在目前 思惟

如來所有功德 廣作如是清淨懺悔

上來布置 禮佛綱軌 次第多少 悉是

故信行禪師 依經自行 此法於今 徒

衆亦常相續 依行不絕 但以現无正

集諸經禮懺儀卷上 第三十八張 庚

文流傳恐欲學者无所依據是以故
集此文流通於世願後學者依文讀
誦不增不減

佛說三厨經

一氣和太和得一道皆太和乃一無和
玄理同玄濟莫將心緣心還莫住絕緣
心存莫緣心真則守真淵修利至離心
精修不扶離志如修有心己業无已智
諸食氣結氣非諸久定結氣隨諸本氣
隨取當隨泄亦不求无思意思如有思
是法如是持

集諸經礼懺儀卷上

乙巳歲高麗國大藏都監奉
勅雕造

集諸經礼懺儀卷上 第三十張 英

集諸經礼懺儀卷下

英

大唐西崇福寺沙門智昇撰

往生礼讚偈一卷

比丘善導集記

勸一切衆生願生西方極樂世界阿
彌陀佛國 六時礼讚偈謹依大乘
經及龍樹天親山土沙門等所造往
生礼讚集在一處分作六時唯欲相
續係心助成往生益亦願曉悟未聞遠
需遐代耳何者
第一依釋迦及十方諸佛讚歎彌陀
十二光名勸稱礼念定生彼國十九
拜當日没時礼
第二謹依大乘經採集要文以為礼
讚偈二十三拜當初夜時礼
第三依龍樹菩薩願往生礼讚偈十
六拜當中夜時礼
第四依天親菩薩願往生礼讚偈二
十拜當後夜時礼
第五依彦琮法師願往生礼讚偈二
十二拜當辰朝時礼
第六僧善導願往生礼讚偈依十六
觀作二十拜當午時礼

問曰今欲勸人往生者未知若為安
心起行作業定得往生彼國土也答
曰必欲生彼國土者如觀經說先具
三心必得往生何者為三一者至誠
心所謂身業礼拜彼佛口業讚歎稱
揚彼佛意業專念觀察彼佛凡起三
業必須真實故名至誠心二者深心
即是真實信心信知自身是具足煩
惱凡夫善根薄弱少流轉三界不出火
宅今信知彌陀本弘誓願及稱名号
下至十聲等定得往生乃至一念
无有疑心故名深心三者迴向發願
心所作一切善根悉皆迴願往生故
名迴向發願心具此三心必得往生也
若少一心即不得生如觀經具說應知
又如天親淨土論云若有願生彼國
者勸修五念門五門若具定得往生
何者為五一者身業礼拜門所謂一
心專至恭敬合掌香華供養礼拜彼
阿彌陀佛礼即專礼彼佛畢命為期
不雜餘礼故名礼拜門
二者口業讚歎門所謂專憶讚歎彼
佛身相光明一切聖衆身相光明及

彼國中一切寶莊嚴光明等故名讚歎門

三者意業憶念觀察門所謂專意念觀彼佛及一切聖衆身相光明國土莊嚴等如觀經說唯除睡時恒憶恒念恒想恒觀此事等故名觀察門四者作願門所謂專心若晝若夜一切時一切處三業四威儀所作功德不問初中後皆須真實心中發願願生彼國故名作願門

五者迴向門所謂專心若自作善根及一切三乘五道一一聖凡等所作善根深生隨喜如諸佛菩薩所作隨喜我亦如是隨喜以此隨喜善根及已所作善根皆悉與衆生共之迴向彼國故名迴向門

又到彼國已得六神通迴入生死教化衆生徹窮後際心无厭足乃至成佛亦名迴向門五門既具定得往生一一門與上三心合隨起業行不問多少皆名真實業也應知又觀行四修法用策三心五念之行速得往生何者為四

一者恭敬修所謂恭敬禮拜彼佛及彼一切聖衆等故名恭敬修畢命為期誓不中止即是長時修

二者無餘修所謂專稱彼佛名專念專想專禮專讚彼佛及一切聖衆等不雜餘業故名無餘修畢命為期誓不中止即是長時修

三者無間修所謂相續恭敬禮拜稱名讚歎憶念觀察迴向發願心心相續不以餘業來間故名無間修又不以貪瞋煩惱來間隨犯隨懺不令隔念隔時隔日常使清淨亦名無間修畢命為期誓不中止即是長時修

又菩薩已免生死所作善法迴求佛果即是自利教化衆生盡未來際即是利他然今時衆生悲為煩惱繫縛未免惡道生死等苦隨緣起行一切善根且速迴願往生弥陀佛國到彼國已更無所畏如上四修自然任運自利利他無不具足應知 又如文殊波若云欲明一行三昧唯勸獨處空閑捨諸乱意係心一佛不觀相貌專稱名字即於念中得見彼阿弥

佛及一切佛等問曰何故不令作觀直遣專稱名字者有何意也

答曰乃由衆生障重境細心意識颺神飛觀難成就是以大聖悲憐直勸專稱名字正由稱名易故相續即生問曰既遣專稱一佛何故境現即多此豈非邪正相交一多雜現也

答曰佛佛齊證形无二別縱使念一見多乖何大道理也 又如觀經云行觀坐觀禮念等皆須面向西方者寂勝如樹先傾倒必隨曲故必有事尋不及向西方者但作向西想亦得問曰一切諸佛三身同證悲智果圓亦應无二隨方禮念課稱一佛亦應得生何故偏歎西方勸專禮念等有義也 答曰諸佛所證平等是一若以願行來取非無因緣然弥陀世尊本發深重誓願願以光明名号攝化十方但使信心求念上盡一形下至十聲一聲等以佛願力易得往生是故釋迦及以諸佛勸向西方為別異尔亦非是稱念餘佛不能除障滅罪也應知若能如上念念相續畢命為

期者十即十生百即百生何以故無外
離緣得正念故與佛本願得相應故
不違教故隨順佛語故若欲捨專修
雜業者百時希得一二千時希得五
三何以故乃由離緣亂動失正念故與
佛本願不相應故與教相違故不順
佛語故係念不相續故憶想間斷故
迴顧不殷重真實故貪瞋諸見煩惱
來間斷故无有慚愧懺悔心故懺悔
有三品一要二略三廣如下具說隨
意用皆得 又不相續念報彼佛恩
故心生輕慢雖作業行常與名利相
應故人我自覆不親近同行善知識
故樂近離緣自障障他往生正行故
何以故今比自見聞諸方道俗解行
不同專雜有異但使專意作者十即
十生修雜不至心者千中无一此二
行得失如前已辯仰願一切往生人
等善自思量已能令身願生彼國者
行住坐卧必須勵心剋己晝夜莫廢
畢命為期止在一形似如少苦前念
命終後念即生彼國長時永劫常受
無為法樂乃至成佛不經生死豈非

快哉應知

第一佛勸禮讚阿彌陀佛十二光名
求願往生一十九拜當日沒時禮取
中下懺悔亦得南無釋迦牟尼佛等
一切三寶我今稽首禮迴願往生无
量壽國

此之一佛現是今時道俗等師言三
寶者即是福田無量若兼禮之一拜
即是念報師恩以成已行以斯一行
迴願往生

南無十方三世盡虛空遍法界微塵
刹土中一切三寶我今稽首禮迴願
往生無量壽國然十方虛空無邊三
寶无盡若禮一拜即是福田无量功
德無窮能至心禮之一拜一一佛上
一一法上一一菩薩上聖僧上一一舍
利上皆得身口意業解脫分善根來
資益行者以成已業以斯一行迴願
往生

南無西方極樂世界阿彌陀佛願共
衆生咸歸命故我頂禮生彼國
問曰何故為阿彌陀 答曰阿彌陀
經及觀經云彼佛光明无量照十方

國无所障碍唯覓念佛衆生攝取不
捨故名阿彌陀佛彼佛壽命及其人
民無量无边阿彌陀祇劫故名阿彌陀
又釋迦佛及十方佛讚歎阿彌陀光明
有十二種名普勸衆生稱名禮拜相
續不斷者現世得无量功德命終之
後定得往生如无量壽經說云其有
衆生遇斯光者三垢消滅身意柔爽
歡喜踊躍善心生焉若在三塗勤苦
之處見此光明无復苦惱壽終之後
皆蒙解脫无量壽佛光明顯赫照耀
十方諸佛國土莫不聞焉不但我今
稱其光明一切諸佛聲聞緣覺諸菩
薩衆咸共歡譽亦復如是若有衆生
聞其光明威神功德日夜稱說至心
不斷者隨其所願得生其國常為諸
菩薩聲聞之衆所共歡譽稱其功德
佛言我說无量壽佛光明威神巍巍
殊妙晝夜一劫尚不能盡
白諸行者當知阿彌陀身相光明輝迤
如來一劫說不能盡者如觀經云一
一光明遍照十方世界念佛衆生攝取
不捨今既觀經有如此不思議增上

勝緣攝護行者何不相續稱觀礼念
願往生也應知

南無西方 極樂世界 無量光佛
願共衆生成歸命故我頂礼生彼國
南無西方 極樂世界 无边光佛
願共衆生成歸命故我頂礼生彼國
南無西方 極樂世界 無礙光佛
願共衆生成歸命故我頂礼生彼國
南無西方 極樂世界 无對光佛
願共衆生成歸命故我頂礼生彼國
南無西方 極樂世界 光焰王佛
願共衆生成歸命故我頂礼生彼國
南無西方 極樂世界 清淨光佛
願共衆生成歸命故我頂礼生彼國
南無西方 極樂世界 歡喜光佛
願共衆生成歸命故我頂礼生彼國
南無西方 極樂世界 智慧光佛
願共衆生成歸命故我頂礼生彼國
南無西方 極樂世界 不斷光佛
願共衆生成歸命故我頂礼生彼國
南無西方 極樂世界 難思光佛
願共衆生成歸命故我頂礼生彼國
南無西方 極樂世界 无稱光佛

集諸經札識卷下 第九張

願共衆生成歸命故我頂礼生彼國
南無西方 極樂世界 超日光佛
願共衆生成歸命故我頂礼生彼國
南無西方 極樂世界 阿弥陀佛
哀愍覆護我今法種增長此世及後
生願佛常攝受願共衆生成歸命故
我頂礼生彼國

南無西方 極樂世界 觀世音菩薩願
共衆生成歸命故我頂礼生彼國
南無西方 極樂世界 大勢至菩薩願
共衆生成歸命故我頂礼生彼國
此二菩薩一切衆生臨命終時共持
華臺授與行者阿弥陀佛放大光明
照行者身復與無數化佛菩薩聲聞
大衆等一時授手如彈指頃即得往
生為報恩故至心礼之一拜
南無西方 極樂世界 諸菩薩
清淨大海衆願共衆生成歸命故我
頂礼生彼國
此等諸菩薩亦隨佛來迎接行者為
報恩故至心礼之一拜
普為師僧父母及善知識法界衆生
斷除三障同得往生阿弥陀佛國歸
命懺悔

集諸經札識卷下 第十張

至心懺悔

南無歸懺十方佛 願滅一切諸罪根
今將久近所修善 迴作自他安樂因
恒願一切臨終時 勝緣勝境悉現前
願觀弥陀大悲主 觀音勢至十方尊
仰惟神光蒙授手 乘佛願力生彼國
懺悔迴向發願已 至心歸命阿弥陀佛
次作梵 說偈發願 出實性論
礼懺諸功德布施諸有情 願臨命終時
見无量壽佛无边功德身 我又餘信者
既見彼佛已 願得離垢眼 往生安樂國
成无上菩提

懺已一切恭敬

歸佛得菩提 道心恒不退 歸法薩婆若
得大迦持門 歸僧息諍論 同入和合海
迴願往生 无量壽國 願諸衆生
三業清淨 奉持佛教 和南一切賢聖
迴願往生 無量壽國 諸衆等聽說
黃昏偈

人間念念營衆務 不覺年命日夜去
如燈風中滅難期 忙忙六道无定趣
未得解脫出苦海 云何安然不驚懼
各聞强健有力時 自策自勵求常住
說此偈已更當心口發願願弟子臨

集諸經札識卷下 第十一張

命終時心不顛倒心不錯亂心不失
念身心无諸苦痛身心安隱快樂如
入禪定聖眾現前乘佛本願上品往
生阿彌陀佛國到彼國已得六神通迴
入十方界救攝苦眾生虛空法界盡
我願亦如是發願已至心歸命礼阿
彌陀佛初夜偈云

煩惱深无底生死海無邊度苦船未立
云何樂睡眠勇猛勤精進攝心常在禪
勤修六度行菩提道自然

中夜偈云

汝起勿抱臭身卧種種不淨假名人
如得重病箭入體眾苦痛集安可眠
後夜偈云

時光遽流轉忽至五更初無常念念至
恒與死王居勸諸行道者勤修至无餘
平旦偈云

欲求寂滅樂當學沙門法衣食支身命
精進隨眾等

諸眾等今日晨朝各記六念

日中偈云

人生不精進喻若樹無根採華置日裏
能得幾時鮮人命亦如是无常須臾間

集諸經礼懺儀卷下

第三張

勸諸行道眾勤修乃至真

第二比丘善導謹依大乘經採集要
文以為讚偈二十三拜當初夜時礼
懺悔同前後

至心歸命礼西方阿彌陀佛 弥陀智願海
深廣无涯底聞名欲往生皆悉到彼國
願共諸眾生往生安樂國

至心歸命礼西方阿彌陀佛 於此世界中
六十有七億不退諸菩薩皆當得生彼
願共諸眾生往生安樂國

至心歸命礼西方阿彌陀佛 小行諸菩薩
及修少福者其數不可計皆當得生彼
願共諸眾生往生安樂國

至心歸命礼西方阿彌陀佛 十方佛刹中
菩薩比丘眾窮劫不可計皆當得往生
願共諸眾生往生安樂國

至心歸命礼西方阿彌陀佛 一切諸菩薩
各賣天妙華寶香无價衣供養弥陀佛
願共諸眾生往生安樂國

至心歸命礼西方阿彌陀佛 咸然奏天樂
暢發和雅音歌歎宸勝尊供養弥陀佛
願共諸眾生往生安樂國

至心歸命礼西方阿彌陀佛 慧日照世間

集諸經礼懺儀卷下 第三張

消除生死雲恭敬遶三匝稽首弥陀佛
願共諸眾生往生安樂國

至心歸命礼西方阿彌陀佛 見彼嚴淨土
微妙難思議因發无上心願我國亦然
願共諸眾生往生安樂國

至心歸命礼西方阿彌陀佛 應時无量尊
動容發欣笑口出無數光遍照十方國
願共諸眾生往生安樂國

至心歸命礼西方阿彌陀佛 迴光圍遶身
三匝從頂入一切天人眾踊躍皆歡喜
願共諸眾生往生安樂國

至心歸命礼西方阿彌陀佛 梵聲如雷震
八音暢妙響十方來正士吾悉知彼願
願共諸眾生往生安樂國

至心歸命礼西方阿彌陀佛 至彼嚴淨土
便速得神通必於无量尊受記成等覺
願共諸眾生往生安樂國

至心歸命礼西方阿彌陀佛 奉事億如來
飛化遍諸刹恭敬歡喜去還到安養國
願共諸眾生往生安樂國

至心歸命礼西方阿彌陀佛 若人无善本
不得聞佛名憍慢弊憚急難以信此法
願共諸眾生往生安樂國

集諸經礼懺儀卷下 第四張

至心歸命禮西方阿彌陀佛宿世見諸佛則能信此事謹敬聞奉行踊躍大歡喜

願共諸衆生往生安樂國

至心歸命禮西方阿彌陀佛其有得聞彼

彌陀佛名者歡喜至一心皆當得生彼

願共諸衆生往生安樂國

至心歸命禮西方阿彌陀佛設滿大千火

直過聞佛名聞名歡喜讚皆當得生彼

願共諸衆生往生安樂國

至心歸命禮西方阿彌陀佛萬年三寶滅

此經住百年今時間一念皆當得生彼

願共諸衆生往生安樂國

至心歸命禮西方阿彌陀佛佛世甚難值

人有信慧難遇聞希有法此復寂為難

自信教人信難中轉更難大悲弘普化

真成報佛恩願共諸衆生往生安樂國

至心歸命禮西方阿彌陀佛哀愍覆護我

令法種增長此世及後生願佛常攝受

願共諸衆生往生安樂國

至心歸命禮西方阿彌陀佛觀世音菩薩

願共諸衆生往生安樂國

至心歸命禮西方阿彌陀佛大勢至菩薩

願共諸衆生往生安樂國

集諸經禮懺儀卷下 第十五張 英

至心歸命禮西方阿彌陀佛諸菩薩清淨大海衆願共諸衆生往生安樂國

普為師僧父母及善知識法界衆生

斷除三障同得往生阿彌陀佛國歸

命懺悔

第三依龍樹菩薩願生禮讚得十

六拜當中夜時禮懺悔同前後

至心歸命禮西方阿彌陀佛

稽首天人所恭敬阿彌陀佛兩足尊

在彼微妙安樂國无量佛子衆圍遶

故我頂禮阿彌陀佛願共諸衆生往生

安樂國

至心歸命禮西方阿彌陀佛

金色身淨如山王奢摩他行如象步

兩目淨若青蓮花故我頂禮阿彌陀佛

願共諸衆生往生安樂國

至心歸命禮西方阿彌陀佛

面善圓滿如滿月威光猶如百千日

聲若天鼓俱翅羅故我頂禮阿彌陀佛

願共諸衆生往生安樂國

至心歸命禮西方阿彌陀佛

觀音頂戴冠中住種種妙相寶莊嚴

集諸經禮懺儀卷下 第十六張 英

能伏外道魔憍慢故我頂禮阿彌陀佛願共諸衆生往生安樂國

至心歸命禮西方阿彌陀佛

無比无垢廣清淨衆德皎潔如虛空

所作利益得自在故我頂禮阿彌陀佛

願共諸衆生往生安樂國

至心歸命禮西方阿彌陀佛

十方名聞菩薩衆无量諸魔常讚歎

為諸衆生願力住故我頂禮阿彌陀佛

願共諸衆生往生安樂國

至心歸命禮西方阿彌陀佛

金宸寶澗池生華善根所成妙臺座

於彼座上如山王故我頂禮阿彌陀佛

願共諸衆生往生安樂國

至心歸命禮西方阿彌陀佛

十方所來諸佛子顯現神通至安樂

瞻仰尊顏常恭敬故我頂禮阿彌陀佛

願共諸衆生往生安樂國

至心歸命禮西方阿彌陀佛

諸有無常无我等亦如水月電影露

為衆說法無名字故我頂禮阿彌陀佛

願共諸衆生往生安樂國

至心歸命禮西方阿彌陀佛

集諸經禮懺儀卷下 第十六張 英

彼尊佛刹无惡名亦无女人惡道怖

衆人至心敬彼尊故我頂礼弥陀佛

願共諸衆生往生安樂國

至心歸命礼西方阿弥陀佛

彼尊无量方便境無有諸趣惡知識

往生不退至菩提故我頂礼弥陀佛

願共諸衆生往生安樂國

至心歸命礼西方阿弥陀佛

我說彼尊功德事衆善无邊如海水

所作善根清淨者迴施衆生生彼土

願共諸衆生往生安樂國

至心歸命礼西方阿弥陀佛

哀愍覆護我令法種增長

此世及後生願佛常攝受

願共諸衆生往生安樂國

至心歸命礼西方極樂世界

觀世音菩薩願共諸衆生

往生安樂國

至心歸命礼西方極樂世界

大勢至菩薩願共諸衆生

往生安樂國

至心歸命礼西方極樂世界諸菩薩

清淨大海衆願共諸衆生

集諸經礼懺儀卷下

第十八張

英

往生安樂國

普為師僧父母及善知識法界衆生

斷除三障同得往生阿弥陀佛國歸

命懺悔至心懺悔自徒無始受身來

恒以十惡加衆生不孝父母謗三寶

造作五逆不善業以是衆罪因緣故

妄想顛倒生纏縛應受无量生死苦

頂礼懺悔願滅除懺悔已至心歸命

礼阿弥陀佛

至心勸請諸佛大慈无上尊恒以空

慧照三界衆生盲冥不覺知永沉生

死大苦海為拔群生離諸苦勸請常

住轉法輪勸請已至心歸命礼阿弥

陀佛

至心隨喜歷劫已來懷嫉妬我慢放

逸由癡生恒以瞋恚毒害火焚燒智

慧慈善根今日思惟始惺悟發大精

進隨喜心隨喜已至心歸命礼阿弥

陀佛

至心迴向流浪三界內癡愛入胎獄

生已歸老死沉沒於苦海我今修此

福迴生安樂土迴向已至心歸命禮

阿弥陀佛

集諸經礼懺儀卷下

第十九張

英

至心發願願捨胎藏形往生安樂國

速見弥陀佛无边功德身奉觀諸如

來賢聖亦復然獲六神通力救攝苦

衆生虛空法界盡我願亦如是發願

已至心歸命礼阿弥陀佛

餘志同上法

第四依天親菩薩願往生礼讚偈二

十拜當後夜時礼懺悔同前後

至心歸命礼西方阿弥陀佛世尊我一心

歸命盡十方無尋光如來願生安樂國

至心歸命礼西方阿弥陀佛觀彼世界相

勝過三界道究竟如虛空廣大无邊際

願共諸衆生往生安樂國

至心歸命礼西方阿弥陀佛正道大慈悲

出世善根生淨光明滿足如鏡日月輪

願共諸衆生往生安樂國

至心歸命礼西方阿弥陀佛脩諸珍寶性

具足妙莊嚴無垢光焰熾明淨曜世間

願共諸衆生往生安樂國

至心歸命礼西方阿弥陀佛寶華千万種

弥覆池流泉微風動花葉交錯光乱轉

願共諸衆生往生安樂國

至心歸命礼西方阿弥陀佛宮殿諸樓閣

觀十方無尋雜樹異光色寶欄遍圍繞

集諸經礼懺儀卷下

第二十張

英

願共諸衆生 往生安樂國

至心歸命禮 西方阿彌陀佛 無量寶衣絡

羅網遍虛空 種種鈴發響 宣吐妙法音

願共諸衆生 往生安樂國

至心歸命禮 西方阿彌陀佛 梵音悟深遠

微妙聞十方 正覺阿彌陀 法王善住持

願共諸衆生 往生安樂國

至心歸命禮 西方阿彌陀佛 如來淨華衆

正覺花化生 愛樂佛法味 禪三昧為食

願共諸衆生 往生安樂國

至心歸命禮 西方阿彌陀佛 永離身心惱

受樂常無間 大乘善根界 等無識姓名

願共諸衆生 往生安樂國

至心歸命禮 西方阿彌陀佛 女人及根缺

二乘種不生 衆生所願樂 一切能滿足

願共諸衆生 往生安樂國

至心歸命禮 西方阿彌陀佛 無量寶王

微妙淨花臺 相好光一尋 色像超群生

願共諸衆生 往生安樂國

至心歸命禮 西方阿彌陀佛 天人不動衆

清淨智海王 如須彌山王 勝妙無過者

願共諸衆生 往生安樂國

至心歸命禮 西方阿彌陀佛 天丈夫衆

集諸經禮懺儀卷下 第三十張

恭敬遠瞻仰 雨天樂花衣 妙香等供養

願共諸衆生 往生安樂國

至心歸命禮 西方阿彌陀佛 安樂國清淨

常轉無垢輪 一念及一時 利益諸群生

願共諸衆生 往生安樂國

至心歸命禮 西方阿彌陀佛 讚佛諸功德

無有分別心 能令速滿足 功德大寶海

願共諸衆生 往生安樂國

至心歸命禮 西方阿彌陀佛 哀愍覆護我

令法種增長 此世及後生 願佛常攝受

願共諸衆生 往生安樂國

至心歸命禮 西方極樂世界 觀世音菩薩

願共諸衆生 往生安樂國

至心歸命禮 西方極樂世界 大勢至菩薩

願共諸衆生 往生安樂國

至心歸命禮 西方極樂世界 諸菩薩

清淨大海衆 願共諸衆生 往生安樂國

普為師僧父母及善知識法界衆生

斷除三障同得往生阿彌陀佛國 歸

命懺悔

第五依弁琮法師願往生禮讚偈二

十二拜當旦起時禮懺悔 同前後

至心歸命禮 西方阿彌陀佛 法藏因緣遠

集諸經禮懺儀卷下 第三十張

極樂果還深 異珍參作地 衆寶間為林

花開希有色 波揚寶相音 何當蒙授手

一遂往生心 願共諸衆生 往生安樂國

至心歸命禮 西方阿彌陀佛 濁世難還入

淨土願逾深 金繩直界道 珠網縵垂林

見色皆真色 聞音悉法音 莫謂西方遠

唯須十念心 願共諸衆生 往生安樂國

至心歸命禮 西方阿彌陀佛 已成窮理聖

真有遍空威 在西時現小 俱是覺隨機

素珠相映飾 沙水共澄輝 欲得无生果

彼土必須依 願共諸衆生 往生安樂國

至心歸命禮 西方阿彌陀佛 五山臺獨朗

寶手印恒分 地水俱為鏡 香華同作雲

業深成易往 因淺實難聞 必望除疑惑

超然獨不群 願共諸衆生 往生安樂國

至心歸命禮 西方觀世音菩薩

千輪明足下 五道現光中 悲引恒无絕

人歸亦未窮 口宣猶在定 心靜更飛通

聞名皆願往 日發幾花葉 願共諸衆生

往生安樂國

至心歸命禮 西方大勢至菩薩

慧力標無上 身光備有緣 動搖諸寶園

待坐一金蓮 鳥群非寶鳥 天類豈真天

集諸經禮懺儀卷下 第三十張

須知求妙樂 會是戒香全 願共諸衆生
往生安樂國

至心歸命禮 西方阿彌陀佛 心帶真慈滿
光含法界圓 無緣能攝物 有想定非難
華隨本心變 宮移身自安 怖聞出世境
須共入禪看 願共諸衆生 往生安樂國
至心歸命禮 西方阿彌陀佛 迴向漸為功
西方路稍通 寶幢承厚地 天香入遠風
開華重市水 覆網細分空 願生何意切
正為樂無窮 願共諸衆生 往生安樂國
至心歸命禮 西方阿彌陀佛 欲選當生處
西方軍可歸 開樹開重閣 滿道布鮮衣
香飯隨心至 寶殿逐身飛 有緣皆得入
只是往人希 願共諸衆生 往生安樂國
至心歸命禮 西方阿彌陀佛 十劫道先成
嚴界引群萌 金沙徹水照 玉葉滿枝明
鳥本珠中出 人唯華上生 敢請西方聖
早晚定相迎 願共諸衆生 往生安樂國
至心歸命禮 西方阿彌陀佛 十方諸佛國
盡是法王家 偏求有緣地 莫得早無邪
八功如意水 七寶自然華 於彼心能係
當必往非賒 願共諸衆生 往生安樂國
至心歸命禮 西方阿彌陀佛 淨國無衰墜

集諸經禮懺儀卷下

第十四段 次

集諸經禮懺儀卷下

一立古今然 光臺千寶合 音樂八風宣
池多說法鳥 空滿散花天 得生不畏退
隨意晚開蓮 願共諸衆生 往生安樂國
至心歸命禮 西方阿彌陀佛 坐華非一像
聖衆亦難量 蓮開人獨處 波生法自揚
無灾由處靜 不退為朋良 問彼前生輩
來斯幾劫強 願共諸衆生 往生安樂國
至心歸命禮 西方阿彌陀佛 光舒救毗舍
宮立引羣提 天來香蓋捧 人去寶衣賣
六時聞鳥合 四寸踐華位 相看无不正
豈復有長迷 願共諸衆生 往生安樂國
至心歸命禮 西方阿彌陀佛 普為弘三福
咸令滅五燒 發心功已至 係念罪便消
鳥化珠光轉 風好樂聲調 俱忻行道易
寧愁聖果遙 願共諸衆生 往生安樂國
至心歸命禮 西方阿彌陀佛 珠色仍為水
金光即是臺 到時華自散 隨願業還開
遊池更出沒 飛空牙往來 真心能向彼
有善併須迴 願共諸衆生 往生安樂國
至心歸命禮 西方阿彌陀佛 洗心甘露水
悅目妙花雲 同生機易識 等壽量難分
樂多无廢道 聲遠不妨聞 如何貪五濁
安然火自焚 願共諸衆生 往生安樂國

集諸經禮懺儀卷下

第十五段 次

至心歸命禮 西方阿彌陀佛 臺裏天人現
光中侍者看 懸空四寶閣 臨迴七重欄
疑多邊地久 德少上生難 且莫論餘願
西望已心安 願共諸衆生 往生安樂國
至心歸命禮 西方阿彌陀佛 六根常合道
三塗永絕名 念煩遊方遍 還時得忍成
地平无極廣 風長是處清 寄言有心輩
共出一危城 願共諸衆生 往生安樂國
至心歸命禮 西方阿彌陀佛 哀愍覆護我
令法種增長 此世及後生 願佛常攝受
願共諸衆生 往生安樂國
至心歸命禮 西方極樂世界 觀世音菩薩
願共諸衆生 往生安樂國
至心歸命禮 西方極樂世界 大勢至菩薩
願共諸衆生 往生安樂國
至心歸命禮 西方極樂世界 諸菩薩
清淨大海衆 願共諸衆生 往生安樂國
普為師僧父母善知識法界衆生新
除三障同得往生阿彌陀佛國歸命
懺悔
第六比丘善導願往生禮讚偈依
十六觀作二十拜當日中時禮懺悔
同前後

集諸經禮懺儀卷下

第十六段 次

夫一

至心歸命禮

西方阿彌陀佛

觀彼彌陀極樂界 廣大寬平眾寶成

四十八願莊嚴起 起諸佛刹最為精

本國他方大海眾 窮劫算數不知名

普勸歸西同彼會 恒沙三昧自然成

願共諸眾生

往生安樂國

至心歸命禮

西方阿彌陀佛

地下莊嚴七寶幢

无量無邊無億數

八方八面百寶成

見彼无生自然悟

無生寶國永為常

一一寶流無數光

行者傾心常對目

騰神踊躍入西方

願共諸眾生

往生安樂國

至心歸命禮

西方阿彌陀佛

地上莊嚴轉无極

金繩界道非工匠

彌陀願智巧莊嚴

菩薩入天散華上

寶地寶色寶光嚴

一一光成無數臺

臺中寶樓千萬億

臺側百億寶幢圍

願共諸眾生

往生安樂國

至心歸命禮

西方阿彌陀佛

一一臺上虛空中

莊嚴寶樂亦无窮

八種清風尋光出

隨時鼓樂應機音

機音正受稍為難

行住坐卧攝心觀

唯除睡時常憶念

三昧无為即涅槃

集諸經禮懺儀卷下 第七十八張 庚

願共諸眾生

往生安樂國

至心歸命禮

西方阿彌陀佛

寶國寶林諸寶樹

寶華寶葉寶根莖

或以千寶分林異 或有百寶共成行

行行相當葉相次 色各不同光亦然

等量齊高三十万 枝條相觸說因緣

願共諸眾生

往生安樂國

至心歸命禮

西方阿彌陀佛

七重羅網七重宮

綺平迴光相映發

化天童子皆充遍

瓔珞輝光起日月

行行寶葉色千般

華敷等若旋金輪

果變光成眾寶蓋

塵沙佛刹現無邊

願共諸眾生

往生安樂國

至心歸命禮

西方阿彌陀佛

寶池寶岸寶金沙

寶渠寶葉寶蓮華

十二由旬皆正等

寶羅寶網寶欄遮

德水分流尋寶樹

聞波觀樂證恬怡

寄語有緣同行者

努力離迷還本家

願共諸眾生

往生安樂國

至心歸命禮

西方阿彌陀佛

一金繩界道上

寶樂寶樹千万億

諸天童子散香花

他方菩薩如雲集

無量无边無能計

稽首彌陀恭敬立

集諸經禮懺儀卷下 第七十八張 庚

風鈴樹響遍虛空

歎說三尊无有極

願共諸眾生

往生安樂國

至心歸命禮

西方阿彌陀佛

彌陀本願華王座

一切眾寶以為成

臺上四幢張寶幔

彌陀獨坐顯真形

真形光明遍法界

蒙光觸者心不退

晝夜六時專想念

終時使樂如三昧

願共諸眾生

往生安樂國

至心歸命禮

西方阿彌陀佛

彌陀佛身遍法界

影現眾生心想中

是故勸汝常觀察

依心起相表真容

真容寶像臨華座

心開見彼國莊嚴

寶樹三身華遍滿

風鈴樂響與文同

願共諸眾生

往生安樂國

至心歸命禮

西方阿彌陀佛

彌陀身色如金山

相好光明照十方

唯有念佛蒙光攝

當知本願最為強

十方如來舒舌證

專稱名号至西方

到彼華臺聞妙法

十地願行自然彰

願共諸眾生

往生安樂國

至心歸命禮

西方阿彌陀佛

觀音菩薩大慈悲

已得菩提捨不證

一切五道內身中

六時觀察三輪應

集諸經禮懺儀卷下 第七十八張 庚

應現身光紫金色 相好威儀轉無極
恒舒百億光王手 普接有緣歸本國
願共諸衆生 往生安樂國

至心歸命礼 西方阿彌陀佛

勢至菩薩難思議 威光普照无边際

有緣衆生蒙光觸 增長智慧超三界

法界傾搖如轉蓬 化佛雲集滿虛空

普勸有緣常憶念 永絕胞胎證六通

願共諸衆生 往生安樂國

至心歸命礼 西方阿彌陀佛

正坐加趺入三昧 想心乘念至西方

觀見阿彌陀樂界 地上虛空七寶莊

彌陀身量極无边 重勸衆生觀小身

丈六八尺隨機現 圓光化佛等前真

願共諸衆生 往生安樂國

至心歸命礼 西方阿彌陀佛

上輩上行上根人 求生淨土斷貪瞋

就行差別分三品 五門相續助三因

一日七日專精進 畢命乘臺出六塵

慶哉難逢今得遇 永證無為法性身

願共諸衆生 往生安樂國

至心歸命礼 西方阿彌陀佛

中輩中行中根人 一日齋戒慶金蓮

集諸經禮懺儀卷下 第三張 英

孝養父母教迴向 為說西方快樂因
佛與聲聞衆來取 直到阿彌陀華座邊
百寶華籠經七日 三品蓮開證小真
願共諸衆生 往生安樂國

至心歸命礼 西方阿彌陀佛

下輩下行下根人 十惡五逆等貪瞋

四重偷僧謗正法 未曾慚愧悔前愆

終時苦相皆雲集 地獄猛火罪人前

忽遇往生善知識 急勸專稱彼佛名

化佛菩薩尋聲到 一念傾心入寶蓮

三業障重開多劫 于時始發菩提因

願共諸衆生 往生安樂國

至心歸命礼 西方阿彌陀佛

樂何啻樂事難思議

無邊菩薩為同學 性海如來盡是師

渴聞波若絕思漿 念食無生即斷飢

一切莊嚴皆說法 無心領納自然知

七覺花池隨意入 八輩凝神會一枝

阿彌心水沐身頂 觀音大勢與衣披

欽余騰空遊法界 須臾授記号无為

如此逍遙无極處 吾今不去待何時

願共諸衆生 往生安樂國

至心歸命礼 西方阿彌陀佛

集諸經禮懺儀卷下 第三張 英

哀愍覆護我 令法種增長
此世及後生 願佛常攝受
願共諸衆生 往生安樂國

至心歸命礼 西方阿彌陀佛

觀音勢至諸菩薩 清淨大海衆

願共諸衆生 往生安樂國

普為師僧父母及善知識法界衆生

斷除三障同得往生阿彌陀佛國歸

命懺悔

上二品懺悔發願等同前須要中要

取初須略中略取中須廣中廣取下其

廣者就實有心願生者而勸或對四

衆或對十方佛或對舍利尊像大衆

或對一人若獨自等又向十方盡虛

空三寶及盡衆生界等具向發露懺

悔懺悔有三品上中下上品懺悔者

身毛孔中血流眼中血出者名上品

懺悔中品懺悔者遍身熱汗從毛孔

出眼中血流者名中品懺悔下品懺

悔者遍身徹熱眼中淚出者名下品

懺悔此等三品雖有差別即是久種

解脫分善根人致使今生教法重人

不惜身命乃至小罪若懺即能徹心

集諸經禮懺儀卷下 第三張 英

微隨能如此懺者不問久近所有重障
頓皆滅盡若不如此縱使日夜十二
時急走終是無益若不作者應知雖不
能流淚流血等但能真心徹到者即
與上同敬白十方諸佛十二部經一
切賢聖及一切天龍八部法界衆生
現前大衆等證知我某甲發露懺悔
從无始已來乃至今身煞害一切三
寶師僧父母六親眷屬善知識法界
衆生不可知數偷盜一切三寶師僧
父母六親眷屬善知識法界衆生物
不可知數於一切三寶師僧父母六
親眷屬善知識法界衆生上起邪心
不可知數妄語欺誑一切三寶師僧
父母六親眷屬善知識法界衆生不
可知數綺語調弄一切三寶師僧父
母六親眷屬善知識法界衆生不可
知數惡口罵辱誹謗毀謗一切三寶
師僧父母六親眷屬善知識法界衆
生不可知數兩舌鬪亂破壞一切三
寶師僧父母六親眷屬善知識法
界衆生不可知數或破五戒八戒十
戒十善戒二百五十戒五百戒菩薩

集諸經禮懺儀卷下 第三十三

三聚戒十无盡戒乃至一切戒及一切
威儀戒等自作教他見作隨喜不可
知數如是等衆罪亦如十方大地无
邊微塵無數我等作罪亦無邊无數
虚空无边我等作罪亦復无边法界
无边亦如上法性无边亦如上佛无
邊亦如上如是等罪上至諸菩薩下
至聲聞緣覺所不能知唯佛與佛乃
能知我罪之多少今於三寶前法界
衆生前發露懺悔不敢覆藏唯願十
方三寶法界衆生受我懺悔憶我清
淨始從今日願共法界衆生捨邪歸
正發菩提心慈心相向佛眼相看作
菩提眷屬真善知識同生阿彌陀佛
國乃至成佛如是等罪永斷相續更
不敢作懺悔已至心歸命礼阿彌陀佛
礼懺竟若入觀及睡時應發此願若
坐若立一心合掌正面向西十聲稱
阿彌陀佛觀音勢至諸菩薩清淨大
海衆竟弟子現是生死凡夫罪障深
重輪迴六道苦不可言今遇善知識
得聞阿彌陀本願名号一心稱念求願
往生願佛慈悲不捨本弘誓願攝受

集諸經禮懺儀卷下 第三十四

弟子不識阿彌陀佛身相光明願佛慈
悲示現弟子身相觀音勢至諸菩薩
等及彼世界清淨莊嚴光明等相道
此語已一心正念即隨意入觀及睡
或有正發願時即得見之或有睡時
得見此願以來亦大有現驗問曰稱
念礼觀阿彌陀佛現世有何功德利
益答曰若稱阿彌陀佛一聲即能除
滅八十億劫生死重罪礼念已下亦
是十往生經云若有衆生念阿彌陀
佛願往生者彼佛即遣二十五菩薩
擁護行者若行若坐若住若卧若晝
若夜一切時一切處不令惡鬼惡神
得其便也又如觀經云若稱礼念阿
彌陀佛願往生彼國者彼佛即遣无
數化佛无数化觀音勢至菩薩護念
行者復與前二十五菩薩等百重千
重圍遶行者不問行住坐卧一切時
處若晝若夜常不離行者今既有斯勝
益可憑願諸行者各須至心求往又如
無量壽經云若我成佛十方衆生稱
我名号下至十聲若不生者不取正
覺彼佛今現在世成佛當知本誓重

集諸經禮懺儀卷下 第三十五

願不虛衆生稱念必得往生又如彌
陀經云若有衆生聞說阿彌陀佛即
應執持名号若一日若二日乃至七
日一心稱佛不亂命欲終時阿彌陀
佛與諸聖衆現在其前此人終時心
不顛倒即得往生彼國佛告舍利弗
我見是利故說是言若有衆生聞說
是者應當發願願生彼國次下說云
東方如恒河沙等諸佛南西北方及
上下一一方如恒河沙等諸佛各於
本國出其舌相遍覆三千大千世界
說誠實言汝等衆生皆應信是一切
諸佛所護念經云何名護念若有衆
生稱念阿彌陀佛若七日及一日
下至一聲乃至十聲一念等必得往
生證成此事故名護念經次下又云
若稱佛往生者常為六万恒沙等諸
佛之所護念故名護念經今既有此
增上捨願可憑諸佛子等何不勸意
去也

集諸經禮懺儀卷下

丙午歲高麗國大藏部監奉

勅雕造

集諸經禮懺儀卷下第三十六張英

集諸經禮懺儀卷下